

वालेरा में दुदेश्वर रो धाम,  
वालेरा मे दुदेश्वर रो धाम,  
दुनिया दर्शन ने आवे आपरे ए जी हा,  
आशा भारतीजी मन्दिर बनायो जोर,  
आशा भारतीजी मन्दिर बनायो जोर,  
थारी करता रे एतो सेवना रे ए जी हा ॥

आशा भारतीजी जोडे दोनु हाथ,  
आशा भारतीजी जोडे दोनु हाथ,  
सुजा भारतीजी किरपा राखजो रे ए जी हा,  
पारस भारतीजी चरना मे सुख पाय,  
पारस भारतीजी चरना मे सुख पाय,  
थारो सेवकीयो हरि गुण गाविया रे ए जी हा ॥

सूरज सामी बनीयो मोटो धाम,  
सूरज सामी बनीयो मोटो धाम,  
दुदेश्वर महादेव पूजीजे वालेरा रे ए जी हा,  
सुजा भारतीजी जीवत समाधि आप,  
सुजा भारतीजी जीवत समाधि आप,  
चरने आया रा दुखड़ा मेटता रे ए जी हा ॥

सन्यासा री मोटी कहिजे रित,  
सन्यासा री मोटी कहिजे रित,  
शिव शंकर रा तपसी कहिजे जोर रा रे ए जी हा,

भगवा चादर भगवी चोला आज,  
भगवा चादर भगवी चोला आप,  
अंग रे भभुती ए लगावीया रे ए जी हा ॥

मठ स्थापना १५१९ मठ,  
स्थापना १५१९,  
वैशाख सुदी आखा तीज ने रे ए जी हा,  
ए बडा बडा आया मठाधीश,  
मोटा मोटा आया मठाधीश,  
मठ री स्थापना किनी जोर री रे ए जी हा ॥

वालेरा में दुदेश्वर रो धाम,  
वालेरा मे दुदेश्वर रो धाम,  
दुनिया दर्शन ने आवे आपरे ए जी हा,  
आशा भारतीजी मन्दिर बनायो जोर,  
आशा भारतीजी मन्दिर बनायो जोर,  
थारी करता रे एतो सेवना रे ए जी हा ॥

गायक श्याम पालीवाल जी ।  
प्रेषक मनीष सीरवी ।  
(रायपुर जिला पाली राजस्थान)  
9640557818

Source: <https://www.bharattemples.com/valera-me-dudeshwar-ro-dham/>



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>